

Sewε shyen woo ηa
ZHAN
wila yonlogɔ ma torogo

Sewε wi nawa senre

Zhezu pitunɔ Zhan, wo ηa wila pye Efezi ca legilizi wi yekelewe, wo wila ki sewε jeele na li yonlogɔ mali torogo legilizi wa kan. Wa sewε wi ni, Zhan wuu yεε naga we na ma yo wi yen legilizi lelee. Wila sewε wi torogo legilizi ηa kan wila pye wa Efezi ca kannɔgaga na tara ti ni. Wila legilizi wi taanla jele ni, a legilizi woolo poro pye paa wi piile yen. Ki kala na, wi yen naga legilizi wi yinri «japɔɔwɔ». Wo jate wi yen legilizi ηa ni, wo yen sewε wuu torogo legilizi ηa kan wi legilizi yenle.

Zhan wi yen naga yenri ki legilizi woolo pe yeri fɔ pe pe yεε ndanla konaa pe pe yεε yingiwe jen nagafenne yagboyoolo pe ni. Na ki leele pele ka pan wa pe yeri, paga ka pe yaara wɔ yere.

Sewε wi yen ma kɔɔnɔ yεε ηga na

Sewε wi lesaga senre konaa sharaga 1-3

Mbe yεε ndanla konaa mbe je yagbogowo nagawa senre ti na 4-11

Sewε wi kɔsaga senre konaa sharaga punɔgo wogo 12-13

**Sewε wila torogo ηa yeri
konaa wi sharaga**

1 ¹Mi ηa legilizi lelee*, muwi mila ki sewε ηa wi torogi mboro jele Kiriya[†] ma kan, mboro ηa Yenɔjele li wɔ we, naa ma piile pe kan. Ye yen mala ndanla kaselege na. Mi nunɔgba ma ye yen ma ndanla, εen fɔ, mbele fuun pe yen ma kaselege ki jen, ye yen ma pe ndanla fun, ²katugu kaselege ki yen we ni, ki yaa si koro we ni fɔ sanga pyew.

³Yenɔjele na li yen To, lo naa li Pinambyɔ Zhezu Kirisi wi ni pe

yinme kan we yeri, pe we yinriwe ta, pe yeyinɔge kan we yeri, janɔgo we ki yarikanra ti ta kaselege naa ndanlawa ni.

Kaselege naa ndanlawa

⁴Ki pye na yeri nayinme jembe maga yan fɔ ma piile pele yen na tanri kaselege ki na, paa yεε ηga na we To wigi yo ma we kan we.

⁵Ki kala na, sefɔ jele, koni, mila ma yenri fɔ: We ni fuun we we yεε ndanla. Ki wogo ηga mila yonlogi yεen, ki woro ηgasele fɔnnɔ. Ki ηgasele lo wɛ ta maga le wa ki lesaga ki na. ⁶Ndanlawa powi mba

[†]1.1: Kiriya wi mbe ya pye legilizi wo wa, wi piile poro mbe pye legilizi woolo poro.

fɔ yaa tanri yaa yala Yenŋele li ŋgasegele ke ni. ŋgasele na yè logo maga le wa ki lesaga ki na loli na fɔ ndanlawa mbe pye ye sɔgɔwɔ.

⁷(Mi ko yo ma), katugu leele fanlafenne legere jagara laga dunruya wi ni. Paa yenle mbe yo Zhezu Kirisi wɔ pan ma lewee wire le. Lere ŋa wi maa ko piin ma, wo wi yen leele fanlafɔ we, ma pye Kirisi* wi winfɔ. ⁸Ye ye yee yingiwɛ jɛn, jaŋgo tunŋgo ŋa yè pye kiga ka jɔgɔ, ɛɛn fɔ, yege tɔnli wi ta wi yee yɔn fili.

⁹Lere ŋa fuun wii koro Kirisi wi nagawa senre ti na, ɛɛn fɔ, nɛɛ ka tari ti na na kee yege, Yenŋele li woro ki fɔ wi ni. Lere ŋa ka koro wi nagawa senre ti na, Tofɔ wo naa wi Pinambyɔ wi ni pe yen ki fɔ wi

ni. ¹⁰Na lere wa ka pan wa ye go mbe pan mbe ye naga, na wii pan ki nagawa senre ti ni, yaga kaa le wa ye go, yaga si kaa shari yere.

¹¹Katugu lere ŋa kaa shari, wi ma pye wi pinleyenle wa wi kapyere tijangara ti ni.

Senre puŋgo woro

¹²Kagala legere yen na yeri mbe yo ye kan, ɛɛn fɔ, mi woro na jaa mbe ke yɔnlogɔ sewɛ na lankiri tɔnmɔ ni. Mi yen naga sɔnri mbe kari wa ye yeri we sa we yee yan we yo, jaŋgo we nayinme pi ta pi yɔn fili.

¹³Ma nɔsepyɔ sumboro[†] ŋa Yenŋele li wɔ fun wo naa wi piile pe ni pɔɔn shari.

[†]1.13: *Nɔsepyɔ sumboro* ŋa wi senre tila yuun, wi mbe ya pye legilizi ŋa sewɛ yɔnlogɔfɔ wi yen wa we.